

重修安澤縣志

八冊

卷十五 藝文 中

卷十六 藝文 下

附冊

孝義文苑
友行績

重修安澤縣志卷十之六

岳陽道中述事

薛元憲副

炎炎烈日漲黃塵
馳轉詢民理
屈伸路入煙林
風氣爽地臨雲
水物華新
溪流分灌高低隴
禾黍攬迷遠
近隣翁媼相歡携
幼穉停驂疑是武陵人

寓岳陽次前韻

長樂黃文政僉事

海宇風清息戰塵
生靈無地不求伸
莫言今日綱維重
自是當朝制度新
鞭鐙那堪艱道路
符書先到邱隣山
翁野老如知識
相與歡迎馬上人

過岳陽口占

長樂陳灝僉事

霍山南去岳陽城城外人家似曉星流水閒雲巖徑白平蕪落
日野田青隔鄰燒火愁中見近郭寒碓馬上聽堪歎浮生如萍
梗一年一度此行經

按岳陽縣

益都楊

錦僉事

萬山訪小邑曲曲路偏賒峯外雲峯接水過澗水斜滿村豐野
草經日少人家近郭聞雞犬傷心無限嗟

岳陽卽事十六韻

中秋到岳陽險路歎羊腸山峻人難近崖懸勢欲傷馬蹏雜亂
草旌旆映高岡挂石衣裳破渡河舟楫亡空山愁病鳥落日見
荒莊掘土民爲室倚山家作牆耕田皆嶺畔苗秀苦秋霜穀穗

一寸許豆梗半尺長山川何鬱鬱桑粟渺茫茫中國不毛地供
邊起重糧催科無善政敲朴反爲殃白首填溝壑少年離故鄉
子遺產亦短追捕事何長治此貧窮邑須尋盧扁方循良覓妙
訣撫字是周行肯信狂夫語斯民望永康

岳陽踏荒行

慈裕錢懋秦

清軍
源

入疆二十五里極目石田不可耕士民遮訴仍洪水決河排
山橫流成廣袤沃野頓廢業桑蔴自此絕根萌老農抱怨妻孥
泣誰達吾主姑停征破衣敗絮典亦盡繼之兒女增憐氓我見
且聽泣冰淚嗚呼無語那相撐士民爭前訴未竟遙指前山荒
田屏下車策馬循流覽礫割馬蹄紛縱橫青石爲骨沙爲肉覆

土其上云資生膏雨夏稀秋燥烈麥寸黍顆年何成嗟民盛時
勉安土亂離接肩去鄉輕中央水衝田枯槁付我子遺總荒名
有土無毛望屋食欲毛無土甌菁菁科吏怒呼糧太急孤犬遠
村夜知驚安得化作光明燭在上照見逃亡情安得化作蛟龍
窟在下鑿跚稍崢嶸憑伏寸管半張紙不學繪圖告哀惻痛苦
流涕悲賈傅萬里未遠向帝京金鷄一日從天下農歌牧笛徠
多丁

過邵大夫故里有感

邑令王協夢

冀氏聞名不計年停驂一問倍淒然碑磨字迹成燕圃廟圯垣
墉餘種田當日亟稱難父子而今誰是令曾玄我來守土司風

紀敢效因循沒大賢

岳陽歎

邑令趙時可

荒山夾殘澗設官猶七里里里皆鵠形三五破窰壘鑿土竟作
家茹草甘如旨魍魅與爲鄰生兒共虎兕堯都號繡錯茲壤獨
敝屣吞聲訴厥由土瘠干戈比賊巢曾蟻盤生人化枯鬼零丁
荷來鋤強播石頭底麥無餘尺幹穀無數寸蕊終歲事胼胝生
涯全倚是時事急軍需未熟先成市值茲祲歉歲子婦相待死
長官雖撫綏車火濡杯水肘掣難自由風憲有寸紙官民相對
泣爾我苦彼此民苦猶可通官苦誰諉矣乾坤大缺陷安得鍊
石髓

入岳陽境二首

稠疊荒山道頑溪路不分水從堯汜濫土乏舜耕耘破帽迎官
長疲車坐宰君士元無妙策撫字獨慙慙

又

七里居然長丸泥祇兩門及晨難曝熱當午不聞諠頽屋編名
在空瑤賦額存從容延父老一訴一聲吞

卻缺故里

躬耕非所羨敬德是傳人一飯存夫婦千秋拜吏民里從官爵
古山似耨時貧爲問郊原上風徽可再親

蘭相如故里

怒髮鹵庭客遜頗何太瘖純臣眞白璧滿腹總丹心趙瑟無妨
鼓秦盆亦叶音當年賢宦者謀國亦河深

舊縣城爲岳陽苦里

大有頽城在荒荒不見人子遺同白骨冷竈半青燐國課完無
日家資儘此身一吹鄒衍律願借四時春

宿野人窰洞

倦行何處歇洞裏有村名饑竈山根煮薄田屋上耕不知行部
分但愛負暄情錫爾兒孫訓壤歌詠太平

撫綏篇

公初謁郡守袁公特命以撫
綏二字因作撫綏篇白誓

先聖論治國護民若護兒兒骨何柔弱婉轉難自支保之固多

方大意在撫綏堯都郡憲公道爲百僚師末員初備官卽以此教之其身正如岳其言藹如芝一字播春溫披人人不知矧此安澤邑荒歉堪傷悲破穴同虎處空餐和草炊豕突鴟張後河伯娶民居鳴琴入靜夜涕泣暗交垂撫綏尙弗足敢乃事支離夫子能洞見出語便低眉學道則愛人願師吾仲尼

樓閣風生

大覺寺

邑令趙

溫百錄進士

岳陽城外梵王宮樓閣曾聞巧貯風貝葉翻時倏爾入天花散處颯然通尋來畫棟埋荒草望去流丹散碧空漫向瞿曇參妙諦南薰還譜五絃中

活水龍吟

延慶觀

城東仙觀水淙淙聞道龍吟我未逢莫是雲中吹鶴笛得非澗
底吼虬松晴波漾漾滋瑤草清夜泠泠和曉鐘疏向泮宮瀝學
海乘春吟嘯看文龍

雲外天現

霍山頂

拔地倚天誰許雙霍山自古鎮中邦雲開碧落青霄外霧鎖煙
巒峭壁降清磬穿林通帝座彩霞捧日映仙幢一從絕巘瞻金
闕耿耿禪關月到窗

水月松風

圓覺寺

曾聞水月松風好好聆松風水月奇凍解魚塘生翠浪香飄桂
殿動涼颼響窮澗底龍吟夜聲徹僧寮禪定時見說焚修來帝

子幻身水月更誰知

鳳巖仙洞

露崖寺

風洞曾聞藏翠微特從蕭寺叩柴扉傳來暑月冰漸結莫訝邊
霜炎夏飛仙窟那容凡骨到靈區自與世緣違幸逢景運招祥
瑞好向山頭仰鳳威

沁灣塔影

麻衣寺

沁水灣灣百里餘曾傳塔影鎖長渠每隨月鏡涵青黛還逐虹
橋誇碧虛插漢浮圖元矗矗入河靈派自徐徐興梁未就難飛
渡康濟無方愧使車

泉石雲流

金山寺

去城百里金山寺卻喜荒山風景殊
泉石粼粼疏地脈煙雲藹藹接天衢
天喬紛錯留征轡花鳥爭奇入畫圖
雲氣泉聲渾一派更從何處覓黃虞

花鳥浴水

龍泉觀

水滿地塘草色齊落花隨水浴鳬驚
波心漾漾嬌紅亂水面飛飛素羽低
清渠近繞山城北仙派應通紫禁西
聯聯關關翔太液恩波萬頃碧琉璃

遊麻衣寺

三首

邑人黨應期知州

天晚饒餘興同君勝地遊雲從山外
出水自洞中流寺迴鍾聲遠人豪酒
力柔歸來還秉燭塵世有丹丘

又

邑人趙汶知州

夙抱登臨興喜陪今日遊林穿石徑滑雨過洞雲流松霧沾衣
溼楊花拂水柔坐來正性化何事問丹丘

又

日日塵囂擾誰同物外遊幸君聯道轡愧我尙庸流觀化心偏
切凌空力漸柔晚登絕頂上歸去憶林丘

遊大覺寺二首

邑人李夢辰知州

偷得浮生半日閒來從古剎問正禪蜃樓幻起天疑近梵塔高
標燈欲然雲散碧霄空是色鐘鳴清晝聖非凡登臨比地離塵
網竹杖芒鞋信有緣

又

邑人陳天定

貢士

危樓疊疊構丹梯望遠憑虛發興齊梵音每從雲外落金樽須
向月邊提窗臨綠樹詩應好戶對青山畫欲迷披襟快樂徘徊
久酒闌歌罷一留題

遊延慶觀

明效南

兆

洪洞縣令

聖泉一派翠微開前歲奇觀今又來曲曲繞亭龍宛轉澄澄積
沼鯉濼洄千家隴畝清流灌滿目花封好雨栽獨有彈琴宓子
賤公餘相伴且徘徊

又

邑人張鴻養

貢生

野性耽幽賞披襟到上方鐘聲震萬戶松影蔭千章倚閣雲霄

近開窗風雨香炎蒸如苦海藜杖渡慈航

又

邑人任天民知縣

薄宦曾憂蜀道邇何期今日又登天風雲足下生偏遠星斗胸
前挂匪泣樓閣空中渾出世乾坤壺裏即飛仙浮生三日登臨
興勝卻紅塵幾百年

又

邑人李夢協庠生

愛山不厭登臨數幾度來遊興愈奇活水自流千仞壑蒼松未
改萬年枝烟籠古徑鐘聲杳雲鎖高峯月色遲最喜是丘原有
路嬋娟影過照瑤池

又

邑人趙國璘庠生

歷盡嵯岬徑悠然見貝宮寒泉噴嫩玉蒼柏舞疏風境妙諸緣
靜山清萬籟空正堪逃世網咫尺天臺通

又

邑人任生民

庠生

山盡翠微裏源頭活水來白雲天際近青鏡眼邊開萬里塵將
掃千年松可栽此中有至樂日暮詠歌回

又

邑人張朝儀

貢士

未脫紅塵累先從白眼狂禪關堪駐馬高閣宜飛觴雲擁三珠
樹風生七寶香金聲鈴徹後瀟灑對空王

遊大覺寺

邑人趙汝璽

知縣

悟得迷關不厭閒登臨勝境若逃禪風生高閣天機活月入崇

樓俗障痊醉酒狂詩咸性道晨鐘暮鼓悉空玄穹蒼畢竟多情
意剩有梵宮渡業緣

東觀

邑學博 劉克振

峭壁臨河錦翠班山高石陡路彎彎池中靈蟹時常見樹下正
僧去不還曲水潛通寶殿底瀑泉亂濺舞筵間從來此地堪乘
興快酌春醪解病顏

冀缺妻饁耕處

鹽山趙 董舉人

冀氏城荒蔓草黃當年清迹悵茫茫野花難覓饁耕路山鳥空
啼乘來傍鴻案齊眉追淑範鹿車共挽續遺芳隴頭不斷星輶
客若箇唱隨附薦章